

զիս: Եւ դարձեալ ձայնեաց մունետիկն թէ Կարմիր ըստակ չանցնի և պակաս ղուռուշ, և ղուռուշն՝ Ձ ըստակ: Եւ դարձեալ զյէնկիչէրու օտապաշիքն և զզօրպաճիքն փոփոխեցին: Եւ դարձեալ օրս զՂարա Աբտուլաի պիղծ սեացեալ ոսկերքն վերուցին ազգն իւր և յէտիղուլան զԽալիճչի օղլուն այլ վերուցին հրամանաւ ղայմախամին, որ կայր անդ ի վերայ քարի միոյ հոտեալ և նեխեալ, զի էր պոռնիկ յոյժ և անյագ շնացող: Եւ երեկոյիս եւ յամենայն աւուր նոր աղան շուրջ կու գայր. և երեկոյիս շատ մարդ գանեաց, բայց ինքն անմեղ էր, այլ անիծեալ ղափուքեհեասիքն ըմբռնեալ բերէին, և ի ժամանակ ծեծելոյն, որ ասէր աղան թէ Թողէ՛ք, իւրեանքն մէկ քանի յաւել կու զարնէին զբիրն. այս էր գործ նոցա ի սկըգբանէ:

Եւ ի գիշերիս յայսմ որ Զչի (29 Փետր.) լուսանայր, գտան զՊիլալ աղա ներքինի սեաւ հօճա թագաւորին ի Ղուզղուենճուխն՝ ի տուն իմամի միոյ եւ խեղդամահ արարեալ բերին կախեցին յօտացն ի նոյն ծառն, որ իբրեւ զմի գոմէշ²⁾ էր, և ի ձեռն մի սեաւ ըստ գունոյ նորին մուկ մի ի պոչէն ի ձեռն պատատեալ կապեցին, և այսպիսի խայտառակօրէն կային աւուրքս և բազում ամբոխ գային ի տես և երթային: Այս եղև յԳ ժամու աւուրս: Եւ դարձեալ պահու ինչ ըմբռնեալ զՇապան ղալֆան՝ Մուլքիին այր՝ ի մէջ նաւի միոյ մտեալ ի մէջ ամպարին. և բերեալ զնա ի ղայմախամն և նա բազում հարց և փորձ արարեալ և յետ բանիցս խնդրեալ ի ղայմախամէն և ասացեալ թէ Ահա՛ ի ձեռս ձեր եմ, և զիս գիտակ եմ որ կու սպանէք. յառաջ զկիսն իմ վայր առէք ի կախաղանէն, զի պակասաւոր է և է բաւական որ այսքան օրս անդ կա-

1) գոմոշ.